

要修科儀戒律鈔卷之十五

弔五

要修科儀戒律鈔卷之十五

弔五

三洞道士朱法滿編

道士吉凶儀并序

法滿後識晚生未能窮究至於脉制深以致
疑竊尋大孟先生諱景翼字輔明對齊文惠

太子問道士送終儀體引法輪經云師如父
也我若無師不得見經今見經教乃知道法
黃籙簡文載事師之科典故學道修法存師
在前既荷開度稟佩經圖濟拔三世救護存
亡經文言得眇篇目九祖同仙故真人云我

若無師不得學道成道也若其託形現世者
皆顯師資之迹或因劔杖告終者則是託物
令知變化無常也自非體道冥真者自然有
欣生惡死之心蓋人倫本有者孝性乃至感
動天地通達神明哀戚之情觸境自發雖復

馬五

賢愚有品而愛惡不殊乃是道俗難同大方
莫異昔孔子既為儒學之師止教世間典禮
死埋泗水之上弟子皆服三年子貢廬住塚
邊六載魯人因從居者百有餘家遂名為孔
里之民四時祭禮不輟况在道家法門所稟

宗匠能使德踰三界行超六道乃復冥一至
真會合常寂此則內外懸殊非是情數所能
譬也仍為立儀略將備盡又有小孟先生以
酌前儀更加切要石井公所撰引抱朴內篇
云昔漢太后從夏侯勝受尚書賜黃金百斤

佗物不可數及亡又賜家錢二百萬為勝素
服五日成帝在東宮從張禹受論語即尊位
賜禹爵關內侯食邑千戶拜光祿大夫賜黃
金千斤又遷丞相進爵安昌侯年老賜安車
駟馬黃金百斤錢千萬及禹病嗣省之親拜

禹牀下章帝在東宮桓榮以孝經授及即帝
位以榮為太宰天子幸榮東面坐說設酒會
百官及榮門生數百人帝親自持業讚說賜
爵關內侯食邑五千戶榮病帝幸其家入巷
下車把卷趨如弟子之禮薨天子為素服舉

第五

二

哀此悉儒學指教一經尚復崇師殷勤若此
求真要而不准經誥服乎乃立典儀訓門中
子弟張續先生所制或異或同見此四儀不
齊一意使後徒遵奉隨執見乖今會四家略
為一卷率愚注訣并酌異同隨世沉浮逐時

增減兼復師在之日遠離几筵諮問寒溫要
憑啓疏脫恐晚學不識重輕謹述所見名曰
道士吉凶儀合十例件狀如左

通啓儀第一

吊喪儀第二

疾病儀第三

初死小殮儀第四

入棺大殮儀第五

成服儀第六

葬送儀第七

安靈儀第八

弟子還觀儀第九

除靈儀第十

通啓儀第一

正月孟春

猶寒

餘寒

二月仲春

漸暖

已暖

三月季春

暄和

極暄

四月孟夏

漸熱

已熱

五月仲夏

暑熱

甚熱

六月季夏

盛熱

極熱

七月孟秋

猶熱

餘熱

八月仲秋

漸涼

甚涼

九月季秋

漸冷

已冷

十月孟冬

薄寒

已寒

十一月仲冬甚寒

嚴寒

夏

三

十二月季冬切寒

極寒

右裴矩云今為表啓及書皆云孟春猶寒
以後各依前件時節十五日一改亦隨事
為之

刺史縣令初到道士通啓

題云某觀道士

姓某啓謹上明使君記室明府侍者

道士姓某惶恐伏惟

明使君縣令云明府德業弘遠徽猷昭著紆
降仁明屈臨弊境凡在道俗莫不歡慶孟春

猶寒不審

尊體何如貧道抱疾不獲隨例不任悅豫之
情謹啓不宣某謹啓

月日某觀道士姓某啓

啓准此

凡初經正冬二節書首須自言感思并問前
人增懷者正謂二親不存論感思之語若不

經初節及彼此二親俱在者並不須論問如
父亡母在及二親俱亡云某節遠感深母亡
父存者遠思前人父母有不存者云念若前
又尊於己云惟增懷舊書云頓首叩頭者皆
爲敬彼之辭父在稱頓首父亡稱叩頭但與

五服卑親及在下官屬云頓首叩頭者以為未可若吊答重喪書稱為頓首除此之外悉去頓首之言與高祖曾祖祖父母書題云高祖翁婆曾祖翁婆祖翁婆几前某言疏女某氏言疏

第五

與父母書 題云爺孃几前某言疏女某氏

言疏

月日某言孟春伏惟增懷若無經正冬節及尊者二親在不須云伏惟增懷即移孟春著於猶寒之上餘皆准此違離未已久思戀無

譬奉某曰誨伏慰下情不得書云不奉近誨
夙夜惶懼猶寒不審
尊體起居何如伏惟寢膳勝常即日某蒙恩
接待有違唯增馳結伏願珍和某言疏不備
謹疏若作單書移月日於後云謹疏自此已

下書皆准此

修受道師書未得法師同題云師主姓尊師
几前若大德云某姓法師几前弟子姓名惶
恐白疏月日某惶恐言孟春遠感伏惟增懷
不審

尊體起居何如若非師直云如何不用起居
之語某即日粗得蒙恩若離久即云違遠日
深下情馳結若不得書云近不蒙誨思想唯
精若得書云奉某日誨伏慰下情未即拜覲
唯增眷戀伏惟珍重某惶恐再拜

五

五

師與弟子書 題云弟子姓位省某告

月日告某孟春遠感深不見汝久懸憶纏懷
日書為慰寒汝可不吾如常未即見汝但以
歎滿好自愛慎及此不多師某告

與同學兄弟書 題云同學某姓兄弟前某

白疏

月日某白孟春遠思深伏惟增懷分違未久
思戀惟積奉某日問伏慰下情不得書云不
奉近問下情馳懷猶寒不審體履如何某粗
蒙恩奉見未由但增延結伏願珍重某謹白
疏不具某再拜

與同學弟妹書

題云同學姓某弟妹省某

呈月日某報孟春云云分張未已久思憶每
深猶寒比何如某諸疹弊言集未由但增慨
滿善自敬愛乃書不多某報

與伯叔父母書 題云某次第伯叔父母某

氏姑在室云次第座前某言疏女云某氏女

言疏

與兄弟書 題云某次第兄弟某氏姊座前

某白疏

與同宗絕服尊行書 題云某官翁伯叔座

前白疏

與堂兄書 題云某位兄前某白疏

與弟妹書 題云某位弟省妹云某氏妹省

同堂亦然書中若親兄弟姊妹無父母云孟

春遠思深伏惟同懷若與堂兄弟云惟增懷

與舅舅母及姨書 題云次第座前某言疏

與外甥書 題云某省

與小童書 題云謹呈姓位公某白

孟春遠思深云云謹白書不具姓某呈

弔五

六

與平懷書 題云呈姓位公某白

孟春云云遣白書不具姓某呈

與小輕書 題云白姓位不具姓某白

與極輕書 題云姓位比無言寫念想為勞

得某日書為慰猶寒何如也次諸疹弊相見

未期但增歎滿善將愛及此不多姓某疏

吊喪儀第二

吊刺史縣令諸貴重喪啓 題云某觀道士

某啓傍注云謹上明使君縣令云明府

月日某啓禍出不圖

某位公母云夫人傾背若三品以上并爲高
官云薨背下情悲惻伏惟攀慕號踊荼毒難
居不任下情謹奉啓不宣謹啓

吊師遭父母喪啓 題云弟子姓名啓傍注

上尊師几前

月日某頓首頓首禍故無常尊翁尊婆傾背
哀慕抽剝不能自勝伏惟攀號無及五內摧
裂何可堪居酷當奈何未即奉拜伏增悲咽
謹啓不備某再拜

師父母喪吊師兄弟書
題云至孝姓位凶

弔五

七

前郡姓某白弔父在母亡云苦前悲慕無幾
尊府君母云尊夫人不終遐壽奄棄孝養情
深惻怛惟攀號躄荼毒難居甚痛奈何甚痛
奈何未獲造慰望增酸哽謹遣白書慘愴不

次道上白弔
以白書弔之同題某姓及前

師喪報同學兄弟書 題云同學某姓兄前

某白疏 某言無狀招禍禍不滅身尊師違

和須論病狀不蒙靈祐以某日奄垂棄背號

天扣地貫徹骨髓不能自勝伏惟悲慕無狀

柰何苦毒柰何伏增號絕謹言疏荒迷不備

某再拜

師喪報同學弟妹書 題云同學姓某弟妹

省某白報

月日某白報無狀招禍禍不滅身上延滅尊

師攀號躄踊五內屠裂不能自勝唯增哽咽
迷荒不次報

同學喪報師啓

月日拜疏某言禍出不意同學姓某天歿哀
痛抽割不能自勝伏惟悲悼傷切何可堪處

痛當柰何痛當柰何未由奉拜伏增哽咽謹
言疏不備某再拜

疾病儀第三

二孟云案仙公門訓云凡道士疾篤將困之
時皆須香湯沐浴冠帶如常儀出所稟經法

佩帶於房前施安供養請諸名德齋戒誦經
懺悔受身以來所犯諸罪不得有所隱藏顯
而發露滅罪祈福也張續師云可轉度人經
一兩百徧仙公云若須投藏付囑經法悉作
辭牒條狀申騰件別名品奏聞太上不有隱

第五

昧也

中元玉籙云奉師威儀師有哀憂弟子皆當
心抱憂戚出入無歡

玉籙又云師有疾病弟子皆當侍近左右親
視氣息有如父母

玉籙又云師有災厄弟子皆當率諸同學建
齋祈請以立善功師弟子皆當持此或文勝
千真科曰出家之人與俗有別然而死病亦
無定法然稍修執製疾病之時轉讀然香晝
夜不絕臨終之時打無常鍾啓送終依五練
生尸法夫以疾時觀內大衆數以存問檢校
厨下令前與病人食疾病之時難有達命者
福勢既盡乃欲隱避東西此並是前路功德
無憑而以臨時驚懼徒作此意速死而已可
以淨灑掃開敞房舍來往善知識達命之言

更相啓發諸法無常寧有住者必應壽書量
命無幾可移入遷化堂其堂可於觀西北角
別立爲院堂三間五架堂面看西北其堂中
高座上造昇虛像像身坐蓮花如人大舉左
手以指天門左右二真俠侍病人恐命將絕

第五

九

移入堂中像座後安置用黃紋全幅爲幡長
二丈四尺中央繫左真腰幡頭與病人手捉
令病人直心正念願隨二真登天門詣金闕
脫未應化隨建福田男官頭向左真女向右
真一入此堂難得平然歸者臨命將絕咸稱

未因特是貪生有此計耳達命君子豈去住
爲心

科曰男女官年將老病死期將至家事錢物
皆委付諸弟子中可親信者師有遺書依書
處分如無遺書一一條錄生資與諸子弟有
所知者共議修營功德及充殯葬如無子弟
觀衆處分如無觀衆道衆處分不得將與俗
家兄弟孫姪等費用如有父母師主在遺書
所命者依書又不共活無有命書輒取者犯
五逆罪私不能制止送與官司

初死小殮儀第四

至死時既不沐浴無俟安牀上直敷兩重席於地南首不須改易仍著手衣襪冠巾衣居常出入時衣佩符籙於左肘鈴印於右肘便安下衾上被覆之停住設白粥之奠於尸東當肩祭訖次兩邊鋪薦於地男孝居左女孝居右不須如俗人舍珠喚鬼也撤奠亦尸東祭文云帝號木歲某子某月朔某日弟子某甲謹以清酌蔬奠奉祭師尊之靈云云竟哭

盡哀此小殮時也

入棺大殮儀第五

至大殮時不須香湯洗浴著衣冠帶如齋時
服飾先朱鵬棺安石灰梓木七星板笙簞雞
鳴枕使四人扛衾內棺中以傳策置左符鏡
置右少近頭邊舊來安隨身經法內前馮子

第五

十

中堅安之今安棺外頭別案盛之亦好仍設
大殮之奠法隨用生時所進之食先鋪席於
尸西進奠於席上果菜祭文云云竟哭祭記
收祭食於糧甕中安棺頭舊以白素書移文
今人紙書亦得先條隨身佩帶於前次送終

物置後道士移文

謹條某州郡縣鄉里觀舍男女官三洞弟子

某甲所受經法扎目如左

錄治 五千文戒等

右件詣某師奉受

自然券 五老赤書真文

三皇上清三品經

右件詣某師奉受

凡授弟子若干人 靈寶法若干人 上清法

謹條三洞弟子某甲將經法自隨入塚扎目

百八十戒文

仙靈二官錄 真文佩策符印等

右件隨身入棺中

上清經某卷 七傳某卷 五法佩帶及上

清諸佩文

第五

十一

右件合一函若干卷隨身入塚中供養

謹條三洞弟子隨身寒夏衣裳及紙筆等札

目某衣某物

右件隨身入棺中

硯筆紙 手中 墨 書刀 奏案 香鑪

右件隨身入塚中

合經法衣物如于條

維某年太歲甲子某月朔某日天老移告天
一地二孟仲季五路將軍萬里父老土下二
千石安都丞武夷王里域真官河伯水府寬
門監司墓門亭長山川澤尉直符使者今有
三洞弟子某州郡縣鄉里男生某甲年如于
今月某日某時生期報盡奄然捨化寬昇天
府形入地居今當還某鄉某里山造立塋塚
某生時離俗從師請道出世尋學受佩上清

三洞大經符圖誥傳並抱還太陰及寒夏衣
裳飾身服用凡若干種杉棺殯殮埋定送終
之具符到明即安隱形骸肅衛經寶料領冠
帶約勅所部扶迎將送不得留滯今無星礙
逕至藏所不使左右比廬東西南北佗姓等
鬼貨名詐姓妄生侵奪明承符勅不得有違
一如太玄都鬼法女青詔書律令

右移增損隨時耳

仙公曰道士經法能預投於名山福地淨密
處者是為第一不必將死屍同穴也滿見今

人受法師猶不盡備經弟子亦有不能辨本
所寫受經何必與屍同穴何必預投名山經
留代代相傳符籙隨棺入塚出處隨時見於
斯矣其有隨身物內後馮子中不須如俗人
作穀囊腰繩終具等物事畢上蓋依科安之
第五
棺上次安應入塚法物於棺南頭施列供養
十二
燒香道士皆冠帶法服一人棺南頭唱禮三
寶三拜竟

要修科儀戒律鈔卷之十五

共

廿

